

摘藻堂四庫全書薈要

集部

欽定四庫全書薈要

集部

御選歷代詩餘卷二十三

詳校官編修臣汪鏞

欽定四庫全書薈要

御選歷代詩餘卷二十二目錄

五十字

應天長

又一體

韋莊

二首

牛嶠

毛幵

前調

又一體

牛嶠



毛文錫

留春令

晏幾道

三首

高觀國

三首

史達祖

前調

又一體

李之儀

燕歸梁

又一體

柳永

前調

又一體

吳文英

太常引

又一體

辛棄疾

二首

高觀國

韓澆

沈端節

韓玉 二首

惜春令

杜安世

前調 又一體

杜安世

眼兒媚 又一體

林少瞻

趙君舉

月中行 又一體

周邦彥

吳文英

楊慎

滿宮花

許棐

楊宛

上行杯 又一體

馮延巳

張先 三首

望漢月

晏殊

前調 又一體

歐陽修

前調 又一體

柳永

鹽角兒

晁補之

馮鼎位

沙塞子

又一體

周紫芝

鳳來朝

周邦彥

胡壽練

又一體

杜安世

憶故人

王詵

怨三三

李之儀

歸田樂

晁補之

前調又一體

蔡伸

涼州令

晏幾道

慶金枝

張先

南歌子

又一體

張大烈

極相思

又一體

吳子孝

醉花間 又一體

馮延巳 三首

城頭月

無名氏

一落索 又一體

黃庭堅

四犯令

侯寘

李處全

珍珠令

張炎

桂華明

闕注

醉太平

明宣宗

促拍采桑子

朱敦儒

孤館深沉

權無染

漁歌子

又一體

顧夔

魏承班

李珣

四首

前調又一體

孫光憲二首

少年遊又一體

晏殊二首

歐陽修

張先三首

柳永二首

晁補之

毛滂

周邦彥
三首

晁端禮

趙師俠
二首

方千里
二首

蔣捷
二首

陳允平
三首

趙孟頫

吳元可

薩都拉

楊慎

吳子孝

張大烈

前調

又一體

張耒

向子諲

御選歷代詩餘卷二十二目錄

欽定四庫全書蒼苔要卷二萬七百

集部

御選歷代詩餘卷二十二

五十字

應天長

又一體雙

調五十字

應天長

韋莊

綠槐陰裏黃鶯語
深院無人春晝午
畫簾垂金鳳舞
寂寞繡屏香一縷
碧天雲無定處
空有夢魂來去
夜夜綠牕風雨斷腸君信否

前調

韋莊

別來半歲音書絕一寸離腸千萬結難相見易相別又是玉樓花似雪暗相思無處說惆悵夜來煙月想得此時情切淚沾紅袖黠

前調

牛嶠

雙眉淡薄歲心事清夜背燈嬌又醉玉釵橫山枕膩寶帳鴛鴦春睡美別經時無限意虛道相思憔悴莫信綵牋書裏賺人腸斷字

前調

毛 斤

曲闌十二閒亭沼履跡雙沉人悄悄被池寒香燼小夢
短女牆鶯喚曉柳枝風輕嫋嫋門外落花多少日日
離愁縈繞不知春過了

前調

又一體

牛 嶠

玉樓春望晴煙滅舞衫斜卷金條脫黃鸝嬌轉聲初歇
杏花飄盡龍山雪鳳釵低赴節筵上王孫愁絕鴛鴦
對銜羅結兩情深夜月

前調

毛文錫

平江波暖鴛鴦語兩兩釣船歸極浦
蘆洲一夜風和雨
飛起淺沙翹雪鷺
漁燈明遠渚
蘭棹今宵何處羅袂
從風輕舉
愁煞採蓮女

留春令

雙調五

十字

留春令

晏幾道

畫屏天畔夢回依約十洲雲
水手撚紅箋寄人書寫無

限傷春事。別浦高樓曾漫倚。對江南千里樓下分流。水聲中有當日凭高淚。

前調

晏幾道

採蓮舟上夜來陡覺十分秋。意懊惱寒花暫時香與情淺人相似。玉蕊歌清招晚醉。戀小橋風細水濕紅裙。酒初消又記得南溪事。

前調

晏幾道

海棠風橫醉中吹落香紅強半小。粉多情怨楊花仔細。

金史四庫全書
卷二十二
把殘春看 一抹濃檀秋水畔縷金衣新換鸚鵡杯深
豔歌遲更莫放人腸斷

前調

淮南道中

高觀國

斷霞低映小橋流水一川平遠柳影人家起炊煙髣髴
似江南岸 馬上東風吹醉面問此情誰管花裏清歌
酒邊情又何日重相見

前調

高觀國

粉綃輕試綠裙微褪吳姬嬌小一點清香著芳魂便添

起春懷抱 玉臉窺人舒淺笑寄此情天杪酒醒羅浮
角聲寒正月挂南枝曉

前調

高觀國

玉消冰瘦洗妝初見春風頭面等得黃昏月溪寒愛顧
影臨清淺 歷盡冰霜空嗟怨怨粉香消減江北江南
舊情多奈笛裏關山遠

前調

史達祖

故人溪上挂愁無奈煙梢月樹一涓春水點黃昏便沒

頓相思處 曾把芳心深相許
故夢勞詩苦聞說東風
亦多情被竹外留香住

前調

又一體

李之儀

夢斷難尋酒醒猶困那堪春暮香閣深沉紅牕翠暗莫
羨顛狂絮 綠滿當時攜手路
嬾見同歡處何時却得
珠簾畫閣盡訴情千縷

燕歸梁

又一體雙

調五十字

燕歸梁

柳永

織錦裁篇寫意深，字值千金。一回披翫一愁吟，腸成結。
淚盈襟。幽歡已散前期遠，無聊賴。是而今，密憑歸燕。
寄芳音，恐冷落舊時心。

前調

又一體

吳文英

一片遊絲拂鏡灣，素影護梅殘。行人無語看春山，背東
風，兩蒼顏。夢飛不到梨花外，孤館閉，更寒誰憐。消渴
老文園，聽溪聲瀉冰泉。

太常引

又一體雙
調五十字

太常引

壽趙晉
臣敷文

辛棄疾

論公耆德舊宗英
吳季子百餘齡
奉使老於行
更看舞聽歌最精
須同衛武九十八
相萊竹自青青
富貴出長生
記門外清溪姓彭

前調

壽韓南
澗尚書

辛棄疾

君王著意履聲間
便合押紫宸班
今代又尊韓道吏部

文章泰山 一杯千歲問公何事早伴赤松間功業後
來看似江左風流謝安

前調

碧桃

高觀國

玉肌輕襯碧霞衣似爭駕翠鸞飛羞問武陵溪笑女伴
東風醉時 不飄紅雨不貪青子冷淡却相宜春晚湧
金池問一片將愁寄誰

前調

韓 澆

小春時候臘前梅還知道為誰開應遶百千回夜色轉

參橫斗魁 十分孤靜替伊愁絕片月共徘徊一陣暗
香來便覺得詩情有涯

前調

沈端節

三三五五短長亭都只解送人行天遠樹冥冥悵好夢
纔成又驚 夜堂歌罷小樓鐘斷歸路已聞鶯應是困
膏騰問心緒而今怎生

前調

韓玉

荒山連水水連天憶曾上桂江船風雨過吳川又却在

瀟湘岸邊 不堪追念浪萍蹤跡虛度夜如年風外曉
鐘傳尚獨對殘燈未眠

前調

韓玉

東城歸路水雲間幾曾放夢魂閒何日整歸鞍又入對
西風凭闌 溫柔情性繫懷傷感欲訴訴應難愁聚兩
眉端又疊起千山萬山

惜春令

雙調五

十字

惜春令

杜安世

春夢無憑猶嬾起
銀燭盡畫簾低垂
小庭楊柳黃金翠
桃臉兩三枝
妝閣慵梳洗
悶無緒
玉簫拋擲絮飄紛
紛人疎遠空對日遲遲

前調

又一體

杜安世

此夕重陽秋意深
籬邊散嫩菊黃金
萬里霜天林葉墜
蕭索動離心
臂上茱萸新似舊
年堪賞光陰百盞香
醪且酬身牛山會難尋

眼兒媚

又一體雙

調五十字

眼兒媚

曉行

林少瞻

霽霞散曉月猶明疎木挂殘星山徑人稀翠蘿深處啼
鳥兩三聲 霜華重逼雲裘冷心共馬蹄輕十里青山
一溪流水都做許多情

前調

趙君舉

曉山日薄半春陰煙暖柳拖金滿眼新晴歌聲樓影悠

蕩碧波心 閒亭客散人歸去
疎雨透羅襟 簾閣濛濛
斷虹明處千里暮雲深

月中行

又一體雙

調五十字

月中行

周邦彥

蜀絲趁日染乾紅 微暝口脂融
博山細篆靄房櫳 靜看
打牕蟲 愁多膽怯疑虛幙
聲不斷 暮景疎鐘團團四
壁 小屏風 淚盡夢啼中

前調

和黃復菴

吳文英

疎桐翠竹蚤驚秋
葉葉雨聲愁
燈前倦客老
貂裘燕去柳邊樓
吳宮寂寞空煙水
渾不認舊采菱洲
秋花旋結小盤虬
蝶怨夜香留

前調

楊慎

月華靜夜思
悠悠哉
夜靜滅
棼埃
窺人不待
畫堂開
圓影隙中來
小軒朱綴
香塵滿
重門掩
露滴金苔
洞房未曉
且徘徊
清漏不須催

滿宮花

一名瑞宮春
雙調五十字

滿宮花

許棐

嬾搏香閒弄粉猶帶清醒微困金鞍何處掠新歡偷倩
燕尋鶯問柳供愁花獻恨袞絮獵紅成陣碧樓能有
幾番春又是一番春盡

前調

暑夜與諸女
郎外家宴

明妓
楊宛

樹陰陰涼早早共盼月來天杪不知花裏幾多花只覺

幽香重遠 露猶輕人已悄
各各深情情巧盡從花裏
捉流螢一半醉眠芳草

上行杯

又一體雙調五十字
即偷聲木蘭花也

上行杯

馮延巳

落梅著雨消殘粉
雲重煙深寒食近
羅幕遮香柳外秋
千出畫牆 青山顛倒
釵頭鳳飛絮入簾
春睡重夢裏
佳期祇許庭花與月知

前調

張先

曾居別乘康吳俗民到於今歌不足驪馭征鞭一去東
風十二年重來却擁諸侯騎寶帶垂魚金照地和氣
融入清雪千家日日春

前調

張先

雪籠瓊苑梅花瘦外苑重扉聯寶獸海月新生上得高
樓沒奈情簾波不動銀釭小今夜夜長爭得曉欲夢
高唐恐覺來時添斷腸

前調

張先

畫橋淺映橫塘路
流水滔滔春共去
目送斜暉燕子雙
高蝶對飛
風花將盡持杯
送往事只成清夜
夢莫更
登樓坐想行思已
自愁

望漢月

雙調五

十字

望漢月

晏殊

千縷萬條堪結占
斷好風良月謝娘
春晚已多愁更撩

亂絮如雪 短亭相送處長憶得醉中攀折年年歲歲
好時節怎奈有人離別

前調

又一體

歐陽修

紅豔幾枝輕裊新被東風開了倚煙啼露為誰嬌故惹
蝶憐蜂惱多情遊賞處留戀向綠叢千繞酒闌歌罷
不成歸腸斷月斜春老

前調

又一體

柳永

明月明月何事乍圓還缺恰如年少洞房人歡會

依前離別 小樓凭檻處正是去年時節千里清光又
依舊奈夜永厭厭人絕

鹽角兒

雙調五十字前段似
柳梢春後段全異

鹽角兒

亳社
觀梅

晁補之

開時似雪謝時似雪花中奇絕香非在蕊香非在萼骨
中香徹 占溪風留溪月堪羞損山桃如血直饒更疎
疎淡淡終有一般情別

前調 春半

馮鼎位

春分過也小樓昨夜棠梨花謝章臺折柳西園拾翠暗
香隨馬 午風輕鶯聲乍盈盈侶秋千初罷再相約黃
昏踏月牕下綠蛾重畫

沙塞子

又一體雙
調五十字

沙塞子

中秋
無月

周紫芝

秋雲微淡月微羞雲黯黯月彩難留只應是嫦娥心裏

也似人愁 幾時回步玉移鈎人共月同上南樓却重
聽畫闌西角月下輕謳

鳳來朝

雙調五

十字

鳳來朝

周邦彥

逗曉看嬌面小牕涼弄明未辨愛殘妝宿粉雲鬟亂最
好是帳中見 說夢雙蛾微歛錦衾溫獸香未斷待起
難捨拚任日炙畫樓暖

胡擣練

又一體雙
調五十字

胡擣練

杜安世

數枝半斂半開時
洞閣曉妝新
注寶香格豔姿天賦
甘被羣芳妒
狂風橫雨且相饒
又恐有采雲迎去牽破
少年心緒無計長為主

憶故人

一名燭影搖紅雙調五十字
王詵因憶故人自度
此詞因以名其調
宋徽宗又以其詞中首句為名

憶故人

王 詵

燭影搖紅向夜闌乍酒醒心情嬾尊前誰為唱陽關離
恨天涯遠無奈雲沉雨散凭闌干東風淚眼海棠開
後燕子來時黃昏庭院

怨三三

古詞有狂喚醉裏三三句
遂以名調雙調五十字

怨三三

寄舊
遊

李之儀

清溪一派瀉柔藍岸草參參記得黃鸝語畫簷喚狂裏

醉重三 春風不動垂簾似三五初圓素蟾鎮淚眼廉
纖何時歌舞再和池南

歸田樂

雙調五

十字

歸田樂

晁補之

春又去似別佳人幽恨積閒庭院翠陰滿添晝寂一枝
梅最好至今憶 正夢斷爐煙裊參差疎簾隔為何事
年年春恨問花應會得

前調又一體

蔡伸

風生蘋末蓮香細
新浴晚涼天氣
猶自倚朱闌波面
雙彩鴛鴦戲
鸞釵委墜雲堆髻
誰會此時情意
冰簟玉琴橫
還是明月人千里

涼州令

涼或作梁雙調五十字唐伊涼甘石渭氏六州皆有歌曲總名曰六州歌頭此調端以涼州名也

涼州令

晏幾道

莫唱陽關曲
淚濕當年金縷
離歌自古最消魂
於今更

在消魂處 南橋楊柳多情緒
不繫行人住 人情却似
飛絮悠揚 便逐春風去

慶金枝

雙調五

十字

慶金枝

張先

青螺添遠山 兩嬌靨笑時圓
抱雲勾雪近 燈看筭何處
不堪憐 今生但願無離別
花月下 繡屏前 雙蠶成繭
共纏綿 更重結 後生緣

南歌子

又一體雙

調五十字

南歌子

張大烈

蛾眉羞自畫鸞臺
嬾對勻羅衣不任帶
寬裙孤擎玉盞
酒病厭沾唇
心去隨流水
花開獨掩門
陽臺何日駕
飛雲淒淒袞冷
月初昏

極相思

又一體雙

調五十字

極相思

吳子孝

邯鄲一夢歸來無意畫
雲臺釣鰲滄海騎鯨碧落甚矣
吾衰十年彩袖判長隱
蘋供北澗蘭采南陔三間茅
屋一雙白鶴萬仞丹崖

醉花間

又一體雙

調五十字

醉花間

馮延巳

林雀歸棲撩亂語
階前還日暮屏掩畫堂深
簾卷瀟瀟

雨 玉人何處去鵲喜渾無據雙眉愁幾許漏聲看却
夜將闌點寒燈扃繡戶

前調

馮延巳

獨立堦前星又月簾櫳偏皎潔霜樹盡空枝腸斷丁香
結 夜深寒不寐疑恨何曾歇凭闌干欲折兩條玉筍
為君垂此宵情誰共說

前調

馮延巳

月落霜繁深院閉洞房人正睡桐樹倚雕簷金井臨瑤

砌 曉風寒不啻獨立成憔悴閒愁渾未已離人心緒
自無端莫思量休退悔

城頭月

雙調五十字與少年遊無異但係仄韻向來另立
調名以馬天驥詞中有城頭月色明如畫句也

城頭月

無名氏

子規啼破黃昏冷澹月籠花影清露無聲殘霞斂盡天
外三星迴 輕紅衫子鴛鴦領繡閣妝重整半啓歲蕤
西廂密約侍女垂簾等

一落索

又一體雙

調五十字

一落索

黃庭堅

誰道秋來煙景素任遊人不顧一番時態一番新到得
意皆歡慕紫萸黃菊繁華處對月庭風露愁來即便
去尋芳更作甚悲秋賦

四犯令

一名四和香

雙調五十字

四犯令

侯寘

月破輕雲天淡注
夜悄花無語
莫聽陽關牽離緒
拚酩酊
花深處
明日江郊芳草路
春逐行人去
不似酴醾
開獨步
能著意
留春住

前調

李處全

香雪漸苞偏勝韻
領袖催花信
華節良辰人有分
看士女
幡垂鬢
莫向春風尋舊恨
樂事隨方寸
眉壽固應
天不吝
浮大白
吾無悶

珍珠令

雙調五

十字

珍珠令

張炎

桃花扇底歌聲杳，愁多少，便覺道花陰間了。因甚不歸來，甚歸來不早。滿院花飛，休要埽，待留與薄情知道。怕一似飛花和春都老。

桂華明

闕注因夢過填詞名

桂花明雙調五十字

桂華明

闕注

縹緲神仙開洞府
遇廣寒宮女問我雙鬟
梁漢舞還記
得當時否
碧玉詞章
放仙侶為按歌宮羽
皓月滿牕
人何處聲永斷
瑤臺路

醉太平

雙調五

十字

醉太平

賜學士
沈度

明宣宗

濃雲散雨收
花苑內鳴鳩
曉來喜見日光浮
暖融融永

晝
麥苗潤澤懷清秀榴花濕映紅光溜田家歌舞盡
歌謳是處慶豐年醉酒

促拍采桑子

此就采桑子添促拍二字以
按歌得名也雙調五十字

促拍采桑子

朱敦儒

清露濕幽香想瑤臺無語淒涼飄然欲去依然似夢雲
度銀潢 又是天風吹淡月佩丁東攜手西廂泠泠玉
磬沉沉素瑟舞徧霓裳

孤館深沉

雙調五

十字

孤館深沉梅

權無染

瓊英雪豔嶺梅芳
天付與清香
向臘後春前解壓萬花
先占青陽
擬待折一枝相贈
奈水遠天長對妝面
忍聽羌笛又還空
斷人腸

漁歌子

又一體雙

調五十字

漁歌子

顧覓

晚風清幽沼綠倚闌凝望珍禽浴畫簾垂翠屏曲滿袖
荷香馥郁好攄懷堪寓目身閒心靜平生足酒杯深
光影促名利無心較逐

前調

魏承班

柳如眉雲似髮鮫綃霧縠籠香雪夢魂驚鐘漏歇
曉鶯殘月幾多情無處說落花飛絮清明節少年郎
容易別一去音書斷絕

前調

李珣

楚山青湘水綠春風澹蕩看不足
草芊芊花簇簇魚艇棹歌相續
信浮沉無管束釣迴乘月歸灣曲
酒盈尊雲滿屋不見人間榮辱

前調

李珣

荻花秋瀟湘夜橘洲佳景如屏畫
碧煙中明月下小艇垂綸初罷
水為鄉蓬作舍魚羹稻飯常餐也
酒盈杯書滿架名利不將心挂

前調

李 珣

柳垂絲花滿樹鶯啼楚岸春天暮棹輕舟出深浦緩唱
漁歌歸去 罷垂綸還酌醕孤村遙指雲遮處下長汀
臨淺渡驚起一行沙鷺

前調

李 珣

九疑山三湘水蘆花時節秋風起水雲間山月裏棹月
穿雲遊戲 鼓清琴傾綠蟻扁舟自得逍遙志任東西
無定止不議人間醒醉

前調

又一體

孫光憲

草芊芊波漾漾湖邊草色連波漲沿蓼岸泊楓汀天際
玉輪初上扣舷歌聊極望槳聲伊軋知何向黃鵠叫
白鷗眠誰似儂家疎曠

前調

孫光憲

泛流螢明又滅夜涼水冷東灣闊風浩浩笛寥寥萬頃
金波重疊杜若洲香郁烈一聲宿雁霜時節經雪水
過松江盡屬儂家日月

少年遊

又一體雙
調五十字

少年遊

晏殊

芙蓉花發去年枝，雙燕欲歸飛。蘭堂風軟，金爐香燠，新曲動簾帷。
佳人拜上千春壽，深意滿瓊卮。綠鬢朱顏，道家裝束，長似少年時。

前調

晏殊

謝家庭檻曉，無塵芳宴。祝良辰，風流妙舞，櫻桃清唱，依

約駐行雲 榴花一盞濃香滿為壽百千春歲歲年年
共歡同樂嘉慶與時新

前調

歐陽修

玉壺冰瑩獸爐灰人起繡簾開春叢一夜六花開盡不
待剪刀催 洛陽城闕中天起高下徧樓臺絮亂風輕
拂鞍沾袖歸路似章街

前調

張先

碎霞浮動曉朦朧春意與花通銀瓶素綆玉泉金盃真

色浸潮紅 花枝人面難常見青子小叢叢韶華長在
明年依舊相與笑春風

前調

張先

帽簷風細馬蹄塵常記探花人露英千樣粉香無盡秦
地酒初醇 探花人漸花前老花上舊時春行歌聲裏
靚妝叢裏須貴少年身

前調

渝州席
上和韻

張先

聽歌持酒且休行雲樹幾程程眼看簷牙手搓花蕊未

必兩無情 拓夫灘上聞新鴈
離袖掩盈盈此恨無窮
遠如江水東去幾時平

前調

柳永

長安古道馬遲遲高柳亂蟬嘶
夕陽島外秋風原上目
斷四天垂 歸雲一去無踪跡
何處是前期狎興生疎
酒徒蕭索不似少年時

前調 秋思

柳永

參差煙樹灞陵橋風物盡前朝
衰楊古柳幾經攀折
憔悴

悴楚宮腰 夕陽閃澹秋光淨
離思滿蘅皋 一曲陽關
斷腸聲裏獨上木蘭橈

前調

晁補之

廬山瑤草四時春 煙鎖上宮門
記得南遊偶尋飛澗一
洗庾公塵 香爐高詠君家事
文采近前人 他日騎鯨
尚憐迷路與問衆仙真

前調長至

毛滂

遙山雪氣入疎簾 羅幕曉寒添
暖日騰波朝霞入戶一

線過冰簷 綠尊香嫩葡萄暎滿酌破冬嚴庭下早梅
已含芳意春近瘦枝南

前調

周邦彥

簷牙縹緲小倡樓涼月挂銀鈎
聒席笙歌透簾燈火風
景似揚州 當時面色欺春雪
曾伴美人遊今日重來
更無人問獨自倚闌愁

前調

荆州作

周邦彥

南都石黛埽晴山衣薄奈朝寒
一夕東風海棠花謝樓

上捲簾看今朝麗日明如洗南陌暝雕鞍舊賞園林
喜無風雨春鳥報平安

前調

雨後

周邦彥

朝雲漠漠散輕絲樓閣澹春姿柳泣花啼九街泥重門
外燕飛遲而今麗日明金屋春色在桃枝不似當時
小樓衝雨幽恨兩人知

前調

晁端禮

建溪靈草已先嘗歡意尚難忘未放笙歌暫留簪珮猶

有紫芝湯 醉中纖手慙慙捧欲去
斷人腸絳臘迎歸
繡鞍扶下笑語盡聞香

前調

梅

趙師俠

玉壺冰結暮天寒
朔吹繞闌干
雪破梢頭香
傳花外春
信入江南
巡簷索笑情何限
一點已微酸
待得黃垂
冥冥煙雨綠
樹裊金丸

前調

趙師俠

冰霜凝凍臘殘時
暖律漸推移
綵勝羅幡土牛春
仗和

氣與春回 花心柳眼知時節
凝露向陽枝喜入新春
稱心百事如意想都宜

前調

方千里

丹青閒展小屏山
香燼一絲寒織錦
迴文生綃紅淚不
語自羞看
相思念遠關河隔
終日望征鞍
不識單棲
忍教良夜魂夢覓長安

前調

方千里

東風無力颺輕絲
芳草雨餘姿
淺綠還池輕黃歸柳老

去願春遲 闌干凭喚慵回首閒把小花枝怯酒情懷
惱人天氣清瘦有誰知

前調

蔣捷

梨邊風緊雪難晴千點照溪明吹絮簾低唾茸牕小人
隔翠陰行 而今白鳥橫飛處煙樹渺鄉城兩袖春寒
一襟春恨斜日澹無情

前調

蔣捷

楓林紅透晚煙青客思滿鷗汀二十年來無家種竹猶

借竹為名 春風未了秋風到老去萬緣輕只把平生
閒吟閒咏譜作擢歌聲

前調

陳允平

斜陽冉冉柳邊樓珠箔水晶鈎拍點紅牙簫吹紫玉低
按小梁州 雙鸞已悞青樓約誰伴月中遊倦蝶殘花
寒蠶落葉長是替人愁

前調

陳允平

畫樓深映小屏山簾幙護輕寒比翼香囊合歡羅帕都

做薄情看。如今已過梨花雨。何處殢歸鞍。待約青鸞采雲同去。飛夢到長安。

前調

陳允平

翠羅裙解。縷金絲羅扇。掩芳姿。柳色凝寒。花情殢雨。生怕踏青遲。碧紗牕外鶯聲嫩。春在海棠枝。別後相思許多憔悴。惟有落紅知。

前調

趙孟頫

弄晴微雨。細絲絲。山色澹無姿。柳絮飛殘。荼蘼開罷。青

杏已團枝 闌干倚徧人何處
愁聽語黃鸝寶瑟塵生
翠綃香減天遠鴈書遲

前調

戲友

吳元可

石榴花下薄羅衣
睡起却尋棋未省
高低被伊春筍拈
了白琉璃
釧脫釵斜渾不省
意重子聲遲
對面癡心
只愁收局腸斷欲輸時

前調

薩都拉

去年人在鳳凰池
銀燭夜彈絲
沉水香銷梨雲夢
暖深

院繡簾垂 今年冷落江南夜 心事有誰知 楊柳風柔
海棠月澹 獨自倚闌時

前調 春暮

楊慎

紅稠綠暗 偏天涯 春色在誰家 花謝蝶稀 柳濃鶯嬾 煙
景屬蜂衙 日長睡起 無情思 簾外夕陽斜 帶眼頻移
琴心慵理 多病負年華

前調

約衡山不至

吳子孝

苑中日日見花開 花下獨徘徊 帽沾紅雨衣 承香雪春

色似蓬萊 悵望高軒終不到 寂寞小池臺 柳條盡綠
鶯聲漸老 夜雨長新苔

前調 秋思

張大烈

蕭瑟秋風古渡橋 江風壯晚潮 夕陽衰柳何堪輕折瘦
損小蠻腰 碧雲澹遠澄波靜 慘怨散林皋 山海情深
石尤風急 留住遠征橈

前調 又一體

張耒

含羞倚醉不成歌 纖手掩香羅 偎花映燭 偷傳深意 酒

思入橫波 看朱成碧 心迷亂脉脉 歛雙蛾 相見時稀
隔別多 又春盡 奈愁何

前調

向子諲

去年同醉 醑醑下儘筆賦 新詞今年君去 醑醑欲破 誰
與醉為期 舊曲重歌 傾別酒 風露泣花枝 章水能長
湘水遠流 不盡兩相思

御選歷代詩餘卷二十二

欽定四庫全書蒼苔要

御選歷代詩餘卷二十三目錄

起五十一字
至五十二字

謝新恩

南唐李煜

瑤池燕

賀鑄

無名氏

前調又一體

沈宜修

滴滴金 又一體

孫道絢

河傳

張泌

前調 又一體

張泌

探春令

宋徽宗

前調又一體

蔣捷

少年遊又一體

歐陽修二首

柳永四首

前調又一體

晏殊二首

晏幾道二首

前調又一體

周邦彥

姜夔

方千里

楊澤民

前調又一體

歐陽修

前調又一體

蘇軾

前調又一體

柳永

思越人又一體

鹿虔扈

孫光憲二首

張泌

前調 又一體

趙長卿

燕歸梁 又一體

晏殊 二首

張先

周邦彥

前調 又一體

呂渭老

史達祖

趙才卿

前調又一體

吳文英

秋夜雨

蔣捷
四首

迎春樂

秦觀

前調又一體

賀鑄三首

滿宮花又一體

張泌

雨中花

晏殊

思遠人又一體

晏幾道

涼州令 又一體

晁補之

鳳來朝 又一體

史達祖

陳允平

南歌子 又一體

張大烈

迎春樂 又一體

周邦彥

方千里

楊澤民

陳允平

三首

探春令

又一體

晏幾道

前調

又一體

楊无咎

前調

又一體

楊无咎

少年遊

又一體

晏幾道

三首

高觀國

雨中花

又一體

歐陽修

毛滂二首

楊慎

青門引

張先

劉基

醉紅妝

張先

引駕行

晁補之

慶同天

張先

搗練子

又一體

無名氏

涼州令

又一體

歐陽修

前調

又一體

劉基

恨來遲

無名氏

惜雙雙令

劉翥

鋸解令

楊无咎

杏花天

又一體

高濂

夢仙郎

張先

入塞

程垓

燕歸梁

又一體

蔣捷

留春令

沈端節

玉團兒

袁去華

傾杯令

呂渭老

望江東

黃庭堅

菊花新

張先

歸去來 又一體

柳永

木蘭花

毛熙震

酒泉子 又一體

潘閔

醉花陰

毛滂 二首

舒亶二首

趙長卿

楊无咎三首

辛棄疾

張元幹

李清照

劉基三首

吳子孝二首

王肯堂

朱顥

陳子龍

沈士銑

端淑卿

御選歷代詩餘卷二十三目錄

欽定四庫全書薈要卷二萬七百一

集部

御選歷代詩餘卷二十三

起五十一字
至五十二字

謝新恩

單調五十一字止李煜一首不分前後段存以備體

謝新恩

南唐李煜

冉冉秋光留不住滿階紅葉暮又是過重陽臺榭登臨
處茱萸香墜紫菊氣飄庭戶晚煙籠細雨雖雖新鴈咽
寒聲愁恨年年長相侶

瑶池燕

本琴曲名燕有作讌作
宴者雙調五十一字

瑶池燕

賀鑄

瓊鈎褰幔秋風觀漫漫白雲聯度河漢長宵半參旗爛
爛何時旦命閨人金徽重按商歌怨依稀廣陵清散
低眉歎危絃未斷腸先斷

前調

無名氏

飛花成陣春心困寸寸別腸多少愁悶無人問偷期自

搵殘妝粉 抱瑤琴尋出新韻玉纖趁南風未解幽愠
低雲鬢眉峰斂暈嬌和恨

前調

又一體和
君晦弟韻

明媛

沈宜修

輕寒陣陣欺花困半嫋垂楊乍籠餘恨藏微暈羅巾愁
濕妝前認 傍簾櫳花影堆悶香消損東風幾負春信
憑誰訊平波正遠憐雙鬢

滴滴金

又一體雙調

五十一字

滴滴金

宋媛 孫道綸

月光飛入林前屋
風策策度庭竹
夜半江城擊柝聲動
寒梢棲宿
等閒老去年華
促祇有江梅伴幽獨
夢繞
夸門舊家山恨
驚回難續

河傳

雙調五十一字此詞體製最多用韻各異皆按字數分別其體隋製曲有名水調河傳蓋水調者古樂府一部之名所統曲頗多河傳其一也後人因以名詞調

河傳

張泌

渺莽雲水惆悵暮帆去程迢遞夕陽芳草千里萬里鴈
聲無限起 夢魂悄斷煙波裏心如醉相見何處是錦
屏香冷無睡被頭多少淚

前調

又一體

張泌

紅杏交枝相映密密濛濛一庭濃艷倚東風香融透簾
櫳 斜陽似共春光語蝶爭舞更引流鶯妒魂銷千片
玉尊前神仙瑤池醉暮天

探春令

雙調五十一字此調與留春令相似然末句不同中間平仄亦異宋人原分二調不可渾一

探春令

宋徽宗

簾旌微動悄寒天氣龍池冰泮杏花笑吐香猶淺又還是春將半清歌妙舞從頭按等芳時開宴記去年對著東風曾許不負鶯花願

前調

又一體

蔣捷

玉牕蠅字記春寒滿茸絲紅處畫翠鴛雙展金蛸翅未抵我愁紅膩芳心一點天涯去絮濛濛遮住對花彈

阮纖瓊指為粉靨空彈淚

少年遊

又一體雙調

五十一字

少年遊

歐陽修

去年秋晚此園中攜手翫芳叢
拈花嗅蕊惱煙撩霧拚
醉倚西風今年重對芳叢處
追往事又成空敲徧闌
干向人無語惆悵滿枝紅

前調

歐陽修

肉紅圓樣淺心黃枝上巧如裝雨輕煙重無慆天氣啼
破曉來妝 寒輕貼體風頭冷忍拋棄向秋光不會深
心為誰惆悵回面恨斜陽

前調

柳永

日高花榭嬾梳頭無語倚妝樓修眉斂黛遙山橫翠相
對結春愁 王孫走馬長楸陌貪迷戀少年遊似恁疎
狂費人拘管爭似不風流

前調

柳永

鈴齋無訟宴遊頻
羅綺簇簪紳
施朱傅粉豐肌清骨容
態盡天真
歌裊舞扇花光裏
翻回雪駐行雲綺席闌
珊鳳燈明滅誰是意中人

前調

柳永

簾垂深院冷蕭蕭
花外漏聲遙
青燈未滅紅牕閒臥遠
夢去迢迢
薄情漫有歸消息
鴛鴦被半香銷
試問伊家阿誰
心緒禁得恁無聊

前調

柳永

佳人巧笑值千金當日偶情深幾回飲散燈殘香暖好事盡鴛衾如今萬水千山隔魂杳杳信沉沉孤棹煙波小樓風月兩處一般心

前調

又一體

晏殊

重陽過後西風漸緊庭樹葉紛紛朱闌向曉芙蓉妖豔特地鬪芳新霜前月下斜紅澹蕊明媚欲回春莫將瓊萼等閒分留贈意中人

前調

晏殊

霜華滿樹蘭彫蕙慘秋豔入芙蓉
臙脂嫩臉金黃輕蕊
猶自怨西風
前歡往事當歌對酒無限到心中更凭
朱檻憶芳容腸斷一枝紅

前調

晏幾道

西樓別後風高露冷無奈月分明
飛鴻影裏搗衣砧外
總是玉關情
王孫此際山重水遠何處賦西征金閨
魂夢狂叮嚀尋盡短長亭

前調

晏幾道

雕梁燕去裁詩寄遠
庭院舊風流
黃花醉了碧梧題罷
閒臥對高秋
繁雲破後分明素月涼影挂金鈎
有人凝澹倚西樓
新樣兩眉愁

前調

又一體

周邦彥

并刀如水吳鹽勝雪
纖指破新橙
錦幄初溫獸香不斷
相對坐吹笙
低聲問向誰行
宿城上巳三更馬滑霜
濃不如休去直是少人行

前調

戲張斗甫

姜夔

雙螺未合雙蛾先斂家在碧雲西別母情懷隨郎滋味
桃葉渡江時扁舟載了匆匆去今夜泊前溪楊柳津
頭梨花牆外心事兩人知

前調

方千里

人如濃李香濛翠縷芳酒嫩於橙寶燭烘香珠簾閒夜
銀字理鸞笙歸時醉面春風醒花霧隔疎更低輶雕
輪輕攏驕馬相待月中行

前調

楊澤民

驚胎麟角金盤玉筋芳果薦香橙洛浦佳人縵山仙子
高會共吹笙 揮毫便埽千章曲一字不須更絳闕瑤
臺星橋雲帳全勝少年行

前調

又一體

歐陽修

闌干十二獨凭春晴碧遠連雲千里萬里二月三月行
色苦愁人 謝家池上江淹浦畔吟魄與離魂那堪疎
雨滴黃昏更特地憶王孫

前調

又一體

蘇軾

去年相送餘杭門外飛雪似楊花今年春盡楊花似雪
猶不見還家對酒捲簾邀明月風露透牕紗却似嫦
娥憐雙燕分明照畫梁斜

前調

又一體

柳永

一生贏得淒涼追前事暗心傷好天涼夜深屏香閣爭
忍便相忘王孫動是經年別貪迷戀有何常萬種千
般托伊情分顛倒盡猜量

思越人

又一體雙調

五十一字

思越人

鹿虔扈

翠屏敲銀燭背漏殘清夜迢迢雙帶繡窠盤錦薦淚侵
花暗香銷 珊瑚枕膩鴉鬟亂玉纖慵整雲散苦是適
來新夢見離腸爭不千斷

前調

孫光憲

古臺芳草遠館娃宮外春深翠黛空留千載恨教人
何處相尋 綺羅無復當時事露花點滴香淚惆悵遙

天橫綠水鴛鴦對對飛起

前調

孫光憲

渚蓮枯宮樹老長洲廢苑蕭條想像玉人空處所月明
獨上溪橋 經春初敗秋風起紅蘭綠蕙愁死一片風
流傷心地魂消目斷西子

前調

張泌

燕雙飛鶯百轉越波堤下長橋鬪鈿花筐金匝舞衣
羅薄纖腰 東風澹蕩慵無力黛眉愁聚春碧滿地落

花無消息月明腸斷空憶

前調

又一體

趙長卿

情難託離愁重悄然沒處安著那堪更一葉知秋天色
兒漸冷落馬上征衫頻裛淚一半斑斑污却別來為
憶叮嚀話空贏得瘦如削

燕歸梁

又一體雙調
五十一字

燕歸梁

晏殊

雙燕歸飛繞畫堂似留戀虹梁清風明月好時光更何
况綺筵張雲衫侍女頻傾壽酒加意動笙簧人人心
在玉爐香慶佳會祝筵長

前調

晏殊

金鴨香爐起瑞煙呈妙舞開筵陽春一曲動朱絃斟美
酒泛觥船中秋五日風清露爽猶是早涼天蟠桃花
發一千年祝長壽比神仙

前調

張先

去歲中秋玩桂輪
河漢淨無雲
今年江上共瑤尊
都不
是去年人
水精宮殿琉璃臺
閣紅翠兩行分
點脣微
破秀眉顰清影外
見歌塵

前調

周邦彥

簾底新霜一夜濃
短燭散飛蟲
曾經洛浦見驚鴻
闕山
隔夢魂通
明星晃晃津
迴路轉榆影
步花驄
欲攀雲
駕倩西風
吹清血寄玲瓏

前調

又一
體

呂渭老

樓外東風杜宇聲雙枕細眉顰女郎番馬小山屏金籠
冷夢魂驚起來重綰雙羅髻無箇事淚盈盈楊花蝴蝶
蝶亂分身飛不定暮雲晴

前調

史達祖

獨臥秋牕桂未香怕雨點飄涼玉人只在楚雲傍也著
淚過昏黃西風今夜梧桐冷斷無夢到鴛鴦秋釭二
十五聲長請各自耐思量

前調

即席
送別

宋妓
趙才卿

細柳營中有亞夫華宴簇名姝雅歌長許佐投壺無一
日不歡娛漢王拓境思名將捧飛詔欲登途從前密
約盡成虛空贏得淚如珠

前調

又一體

吳文英

白玉搔頭墜髻鬆怯冷翠裙重當時離珮解丁東澹雲
低暮江空青絲結帶鴛鴦淺歲華晚又相逢綠塵湘
水避春風步歸來月宮中

秋夜雨

雙調五

十一字

秋夜雨

春

蔣捷

金衣露濕鶯喉咽春情不解分雪寶箏絃斷盡但萬縷
閒愁難撚長紅小白誰亭館過禁煙彈指芳歇今夜
休要別且醉宿細桃花月

前調

夏

蔣捷

鬆車轉急風吹咽冰絲鬆藕新雪有人涼滿袖怕汗濕
紅綃猶撚三更夢斷敲荷雨細聽來疎點還歇茉莉

標致別占斷了紗幮香月

前調

秋

蔣捷

黃雲水驛秋笳咽吹入雙鬢如雪愁多無奈處漫碎把
寒花輕捻紅雲轉入香心裏夜漸深人語初歇此際
愁更別鴈落影西牕殘月

前調

冬

蔣捷

紅麟不暝餅笙咽爐灰一片晴雪醉無香嗅醒但手把
新橙閒捻更深凍損梅花也聽畫堂簫鼓方歇想是

天氣別豫借與春風三月

迎春樂

雙調五

十一字

迎春樂

秦觀

菖蒲葉葉知多少惟有箇蜂兒妙雨晴紅粉齊開了露
一點嬌黃小早是被曉風力暴更春共斜陽俱老怎
得花香深處作箇蜂兒抱

前調

又一體

賀鑄

瓊瓊絕藝真無價指尖纖態閒暇幾多方寸關情話都
付與絃聲寫 三月十三寒食夜映花月絮風臺榭明
月待歡來久背面秋千下

前調

賀鑄

逢迎一笑金難買小櫻脣淺蛾黛玉環風調依然在想
花下攀鞍態 竚倚碧雲如有待望新月為誰雙拜細
語人不聞微風動羅裙帶

前調

賀鑄

雲纖日嫩東風軟雪初融水清淺粉容舞按迎春徧似
飛動釵頭燕深折梅花曾寄遠問誰為倚樓淒怨身
伴未歸鴻猶顧戀江南暖

滿宮花

又一體雙調
五十一字

滿宮花

張泌

花正芳樓似綺寂寞上陽宮裏鈿籠金鎖睡鴛鴦簾冷
露華珠翠嬌豔輕盈香雪膩細雨黃鶯雙起東風惆

悵欲清明公子橋邊沉醉

雨中花

一名夜行船雙
調五十一字

雨中花

晏殊

翦翠妝紅欲就折得清香滿袖一對鴛鴦眠未足葉下
長相守莫傍細條尋嫩藕怕綠刺罨衣傷手可惜許
月明風露好恰在人歸後

思遠人

又一體雙調

五十一字

思遠人

晏幾道

紅葉黃花秋意晚
千里念行客
飛雲過盡歸鴻無信何
處寄書得
淚彈不盡臨牕滴
就硯旋斫墨
漸寫到別
來此情深處
紅箋為無色

涼州令

又一體雙調

五十一字

涼州令

晁補之

二月春猶淺去年櫻桃開徧今年春色怪遲遲紅梅尚
早未露臙脂面東君遣春來緩似會人深願蟠桃新
鏤雙盞相期似此春長遠

鳳來朝

又一體雙調
五十一字

鳳來朝

史達祖

暈粉就妝鏡掩金閨綵絲未整趁無人學蒲鴛鴦頸恨
誰踏蘚花徑一夢蒲香葵冷墮銀瓶脆繩挂井扇底

并團圓影只此是沈郎病

前調

陳允平

百媚春風面鳳簫吹六么舞徧玉鸞釵半溜烏雲亂悄
疑是夢中見 曲歇弓彎袖斂繡芙蓉香塵未斷買一
笑千金拚共醉倚畫屏暖

南歌子

又一體雙調

五十一字

南歌子

張大烈

艾符雲鬢颭蒲黃酒竿浮美人齊上望湖樓
龍舟競渡環繞百花洲
鸞笙鳴象板鳳管和清謳
微歌纖舞錦纏頭
香風吹韻去過雲留

迎春樂

又一體雙調
五十二字

迎春樂

周邦彥

清池小圃開雲屋
結春伴往來熟
憶年時縱酒杯行速
看月上歸禽宿
牆裏修篁森似束
記名字曾刊新綠

見說別來長冷翠鮮封寒玉

前調

方千里

紅深綠暗春無跡芳心蕩冶遊客記搖鞭跋馬銅駝陌
凝睇認珠簾側絮滿愁城風捲白遞多少相思消息
何處約歡期芳草外高樓北

前調

楊澤民

沉吟暗想狂蹤跡親曾作燕臺客賞春風共醉垂楊陌
雲鬢彈金釵側對酒何曾辭大白十年後音塵俱息

今日走江西空悵望荆湖北

前調

陳允平

垂楊影下黃金屋東風漸粉香熟恨當年有約驂鸞速
誤一枕紅雲宿帶眼寬移腰似束怪何事褪紅銷綠
背面立秋千羞人問連環玉

前調

陳允平

江湖十載踈狂跡紅塵裏倦遊客駐雕鞍問柳東風陌
花底帽任敬側斗酒百篇呼太白傲人世醉中一息

何日賦歸來水之南雲之北

前調

陳允平

依依一樹多情柳都未識行人手對青青共結同心就
更共飲旗亭酒 褥上芙蓉鋪軟繡香不散絲雲春透
今歲又相逢是燕子歸來後

探春令

又一體雙調

五十二字

探春令

晏幾道

綠楊枝上曉鶯啼報融和天氣被數聲吹入紗牕裏又
驚起嬌娥睡 綠雲斜鞦韆金釵墜惹芳心如醉為少年
濕了鮫綃帕上都是相思淚

前調

又一體

楊元谷

東風初到小梅枝上又驚春近料天台不比人間日月
桃萼紅英暈 劉郎浪跡憑誰問莫因詩瘦損怕桑田
變海仙源重返老大無人認

前調

又一體

楊元谷

梅英粉澹柳梢金軟蘭芽依舊見萬家燈火明如晝正
人月圓時候 挨香傍玉偷攜手儘輕衫寒透聽一聲
畫角催殘漏惜歸去頻回首

少年遊

又一體雙調

五十二字

少年遊

晏幾道

綠勾闌畔黃昏淡月攜手對殘紅紗牕影裏朦朧春睡
繁杏小屏風 須愁別後天高海闊何處更相逢幸有

花前一杯芳酒歸計莫匆匆

前調

晏幾道

西溪丹杏波前媚
臉珠露與深勻
南橋翠柳煙中愁
黛絲雨惱嬌顰
常年此處聞歌
殢酒曾對可憐人
今夜相思山長水遠
閒臥送殘春

前調

晏幾道

離多最是東西流水
終解兩相逢
淺情長似行雲無定
猶到夢魂中
可憐人意薄
於雲水佳會更難重
細想

從來斷腸多處不與這番同

前調草

高觀國

春風吹碧春雲映綠夢曉入芳茵軟襯飛花遠連流水
一望隔香塵萋萋多少江南舊恨翻憶翠羅裙冷落
閒門淒迷古道煙雨正愁人

雨中花

又一體雙調五十
二字亦名夜行船

雨中花

歐陽修

千古都門行路能使離歌聲苦送盡行人花殘春曉又
別東君去 醉藉落花吹暖絮多少曲堤芳樹且攜手
流連良辰美景留作相思處

前調

月夜
下注

毛滂

寒浸東傾不定更奈櫓聲催緊堤樹隴明孤村月上澹
澹移船影 舊事十年愁未醒漸老可堪離恨今夜有
誰知風中露裏日斷雲空盡

前調

武康池
上秋雨

毛滂

池上水寒欲霧竹暗小牕低戶數點秋聲來侵短夢簷
下芭蕉雨 白酒浮蛆雞啄黍陶令幾時歸去只溪月
嶺雲蘋汀蓼岸總是思量處

前調

楊慎

一搦纖腰清瘦六幅輕紗紅縐粉熟香生態濃妝淺正
是愁時候 蕭蕭風雨黃昏後雲濕仙衣寒透正簾悄
牕閒燈昏酒冷聽盡蓮花漏

青門引

青門長安城東門也見三輔黃
圖青或作清非雙調五十二字

青門引

張先

乍暖還輕冷風雨晚來方定庭軒寂寞近清明殘花中
酒又是去年病樓頭畫角風吹醒入夜重門靜那堪
更被明月隔牆送過秋千影

前調

劉基

采采黃金蕊遙見晚山橫翠重門深掩一庭風沾來澹
酒能得幾回醉草堂雲白鴻千里落日寒煙起相憐

自有明月照人肺腑清如水

醉紅妝

一名醉紅樓一名雙燕兒雙調五十二字

醉紅妝

張先

瓊林玉樹不相饒
薄雲衣細柳腰
一般妝樣百般嬌
媚眼秀總如描
東風搖草雜花飄
恨無計上青條
更送雙歌郎且飲郎未醉
有金貂

引駕行

雙調五

十二字

引駕行

晁補之

梅梢瓊綻東君次第開桃李怨年年好風景無事對花
垂淚 園裏舊賞處幽葩柔條一一動芳意恨心事春
來間阻憶年時把羅袂雅戲

慶同天

雙調五十二字格調與河傳怨
王孫相近但向立調名仍之

慶同天

張先

海宇稱慶誕生元聖風入南薰拜恩瑤闕衣上曉色猶
春望堯雲遊釣廣樂人疑夢仙聲共日轉旗光動無
疆聖算何待祝華封與天同

搗練子

又一體雙調

五十二字

搗練子

無名氏

雲染幕綠堆煙霏霏細雨濕花鈿一片芳菲吹不起閒
愁損更啼鶻人去後景依然畫堂誰復聽哀絃鸚鵡

不知情意嬾頻催我下犀簾

涼州令

又一體雙調

五十二字

涼州令

歐陽修

翠樹芳條颭灼灼裙腰初染佳人攜手弄芳菲綠陰紅
影共展雙紋簾 插花照影窺鸞鑑只恐芳容減不堪
零落春晚青苔雨後深紅點

前調

又一體

劉基

雨過羣山翠楊柳含煙如醉畫簷雙燕引雛飛風動榴
花點點猩紅碎對花莫把闌干倚心亂難為理夕陽
江上滿眼清波總是愁人淚

恨來遲

一名恨歡遲雙

調五十二字

恨來遲

無名氏

柳暗汀洲最春深處小宴初開似泛宅浮家水平風軟
咫尺蓬萊更勸君吸盡紫霞杯醉看鸞鳳徘徊正洞

裏桃花盈盈一笑依舊憐才

惜雙雙令

雙調五十二字與惜分飛令又一體同
以前後段次句各多一字遂別立調名

惜雙雙令

劉 弇

風外橘花香暗度飛絮綰殘春歸去醞造黃梅雨冷煙
曉占橫塘路翠屏人在天低處驚夢斷行雲無據此
恨憑誰訴恁時却倩危絃語

鋸解令

雙調五

十二字

鋸解令

楊无咎

送人歸後酒醒時睡不穩衾翻翠縷應將別淚灑西風
盡化作斷腸夜雨卸帆浦淑一種悽惶兩處尋思却
是我無情便不解寄將夢去

杏花天

又一體雙調

五十二字

杏花天
杏花

高濂

抹紅勻粉牆頭面輕煙混垂楊金線半落半開春春戀
掩映春旗村店透韶光初番嬌顫看上苑酒酣芳宴
不禁風翦翦雨帶花飛一片

夢仙郎

雙調五

十二字

夢仙郎

張先

江東蘇小天斜窈窕都不勝綵鸞嬌妙春豔上新妝風
過著人香佳樹陰陰池院華燈繡幔花月好豈能長

見離聚此生緣何計問高天

入塞

雙調五

十二字

入塞

程垓

好思量正秋風半夜長奈銀釭一點耿耿背西牕衾又
涼枕又涼露華淒淒月半牀照得人真箇斷腸牕前
誰浸木犀黃花也香夢也香

燕歸梁

又一體雙調

五十二字

燕歸梁

風蓮

蔣捷

我夢唐宮春晝遲
正舞到曳裙時
翠雲隊仗絳霞衣
慢騰騰手雙垂
忽然急鼓催將起
似綵鳳亂驚飛
夢回不見萬瓊妃
見荷花被風吹

留春令

雙調五

十二字

留春令

沈端節

舊家元夜追隨風月連宵歡宴被閒蕙引得寸心裏一
似蛾兒轉而今百事心情嬾燈下幾曾快看筭靜中
惟有牕前梅影合是幽人伴

玉團兒

雙調五

十二字

玉團兒

袁去華

吳江渺渺疑天接獨著我扁舟一葉步韞凌波芙蓉仙
子綠蓋紅頰登臨正要詩彈壓歎此去都忘句法劇

飲狂歌清風明月相應相答

傾杯令

雙調五

十二字

傾杯令

呂渭老

隔座藏鈎分曹射覆燭豔漸催三鼓箏按教坊新譜樓
外月上春浦徘徊爭忍忙歸去怕明朝無情風雨珍
花美酒團坐且作尊前笑語

望江東

雙調五十二字此調若叶平韻與醉紅妝句法短
長無異但中間用字平仄不同未可混為一也

望江東

黃庭堅

江水西頭隔煙樹望不見江東路思量只有夢來去更
不怕江攔住燈前寫了書無數算沒箇人傳與直饒
尋得鴈分付又還是秋將暮

菊花新

以宋仙韶院中菊部頭
得名雙調五十二字

菊花新

張先

墮髻慵妝來日暮家在柳橋堤下住衣緩絳綃垂瓊樹
裊一枝紅霧院深池靜花相妒粉牆低樂聲時度長
恐舞筵空輕化作彩雲飛去

歸去來

又一體雙調

五十二字

歸去來

柳永

一夜狂風雨花英墜碎紅無數垂楊漫結黃金縷儘春
殘縈不住蝶稀蜂散知何處殢尊酒轉添愁緒多情

不慣相思苦休惆悵好歸去

木蘭花

雙調五

十二字

木蘭花

毛熙震

掩朱扉鈎翠箔滿院鶯聲春寂寞勻粉淚恨檀郎一去
不歸花又落對斜暉臨小閣前事豈堪重想著金帶
冷畫屏幽寶帳慵熏蘭麝薄

酒泉子

又一體雙調五十二字一名憶餘杭此調始四十字止於此體按字分調各自有別

酒泉子

潘閔

長憶西湖湖水上盡日凭闌樓上望三三兩兩釣魚舟
島嶼正清秋 笛聲依約蘆花裏白鳥成行忽驚起別
來閒想整綸竿思入水雲寒

醉花陰

雙調五

十二字

醉花陰

毛滂

檀板一聲鶯起速山影穿疎木人在翠陰中欲覓殘春
春在屏風曲 勸君對客杯須覆燈照瀛洲綠西去玉
堂深魄冷魂清獨引金蓮燭

前調

毛滂

金鴨猶溫香未歇塵定歌初徹暝透薄羅衣一霎清風
人映團團月 持杯試聽留春闋此箇情腸別分付與
鶯兒助取東君停待芳菲節

前調

梅

舒亶

月幌風簾香一陣正千山雲盡冷對酒尊傍無語含情
別是江南信壽陽妝罷人微困更玉釵斜襯擬插一
枝歸只恐風流羞上潘郎鬢

前調

送陸
宣德

舒 亶

粉輕一捻和香聚放露華休妒今日在尊前只為情多
脉脉都無語西湖雪過難留住指廣寒歸去去後又
明年人在江南夢到花深處

前調

建康
重九

趙長卿

老去悲秋人轉瘦更異鄉重九人意自淒涼祇有茱萸
歲歲香依舊登高無奈空搔首落照歸鴉後六代舊
江山滿眼興衰一洗黃花酒

前調

楊无咎

滿城風雨無端惡孤負登高約佳節若為酬拚與歌呼
勝却秋蕭索菊花旋摘揉青萼滿滿浮杯酌老鬢未
侵霜醉裏烏紗不怕風吹落

前調

楊无咎

楚鄉易得天時惡風雨長如約不道有幽人衣帶秋深
猶是懸鶉索 招呼朋侶如花萼有酒須同酌世態任
凋疎却愛黃花不似羣花落

前調

楊无咎

淋漓盡日黃梅雨斷送春光暮目斷向高樓持酒停歌
無計留春住 撲人飛絮渾無數總是添愁緒回首問
春風爭得春愁也解隨春去

前調

辛棄疾

黃花漫說年年好也趁秋光老綠鬢不驚秋若鬪尊前
人好花堪笑蟠桃結子知多少家住三山島何日跨
飛鸞滄海飛塵人世因緣了

前調

咏木犀

張元幹

紅萸紫菊開還早獨占秋光老醞造一般清比著芝蘭
猶自爭多少霜刀翦葉呈纖巧手撚迎人笑雲鬢一
枝斜小閣幽牕是處都香了

前調

宋媛

李清照

薄霧濃雲愁永晝
瑞腦銷金獸
佳節又重陽
玉枕紗幮
半夜涼初透
東籬把酒黃昏後
有暗香盈袖
莫道不
銷魂
簾捲西風人似黃花瘦

前調

劉基

溽暑炊人肌骨軟
夢繞南柯遠
驚起却依然
碧樹連天
風雨溪山晚
人間已自成疎懶
事往誰能挽
去去紫
芝翁白石清泉
日夜青苔滿

前調

劉基

紅綴繁枝鶯語巧
弱柳和煙裊
玉勒漫尋芳
踏徧東皋
滿眼青青草
遠岫重重霞
氣表無數山
花繞古寺梵
音深曲徑疎
籬纔信郊居好

前調

劉基

樓外斜陽低半樹
雖好難留住
樹裏有鳴蟬
似訴中情
哽咽風前語
碧雲不見蓬萊路
青鳥今何處
莫更倚
闌干愁上心頭
無計推他去

前調

次劉伯溫韻

吳子孝

卷二十三
碧水縈迴堤畔樹風急雲難住日日倚孤舟枝上雙雙
愁聽黃鸝語玉京借問無多路回首家何處記得別
時言莫忘深情愛向藍橋去

前調

吳子孝

夜深虛館吹霜竹鼉鼓喧相逐仰看月華明未滿冰輪
萬頃鋪寒玉筵前莫怪杯深屬酒映玻璃綠新恨別
離難遙睇天涯徙倚闌干曲

前調

王肯堂

柳花飛去分鸞恨一晌無音信馬識舊遊踪行過門前
佇立渾忘進金籠鸚鵡呼聲近名姓猶相認侍女乍
傳言剡鞞相迎不得撩雙鬢

前調

朱灝

楓色燃亭空漫醉淑復鷗能記雲葉下重崖風不鳴條
欲穩衰紅睡驚秋絡緯聲無次螢學殘燈始涼夜水
爭天一段琉璃乍托銀蟾出

前調

陳子龍

繡幕屏山紅影對兩點愁眉黛消息又黃昏立徧蒼苔
賺得心兒悔一縷博山庭院內人在秋千背夜久落
春星幾陣東風殘月梨花碎

前調

沈士銑

老盡芙蓉霜葉吼頓使人消瘦曳杖踏郊吟竹裏青帘
高凭疎堤柳遠眺秋山懷故友淚落停杯酒况慘慘
悽悽風雨三更獨自支孱憊

前調


明媛
端淑卿

春到人間能幾月
愁近清明節
花柳正爭妍
妒雨紛紛
杜宇聲啼血
茫茫山水經年別
感事歸心切
無計可
留春一片花飛雨
鬢堆霜雪

御選歷代詩餘卷二十三

謹案卷二十二目錄第八頁前二行薩都拉舊
作薩都刺今改後做此





總校官庶吉士臣張能照

校對官庶吉士臣陳墉

謄錄監生臣江軾